

Beschrei-
bung des vn-
fruchtbar.

Krafft vnd
Vermögen.

Das Kraut aller Rosmarin in gemein gestossen/ vnnnd wie ein Pflaster vbergelegt/ stopffe den vbrigen Blutfluß der Guldennadern/ sänfftiget die hitzige Geschwulst des Hindern/ vnd die Fegwarzen/ zeitiget die geschwulst/ Apodem vnd geschwer/ die von sich selbst nicht leicht- lich zeitig werden. Die truckne wurzeln zu reynem puluer gestossen/ vnd mit honig vermischet/ säubern die Geschwer/ sindt auch gut/ mit Wein getruncken/ wider das Grimmen vnnnd wider der Schlangen bißz/ treiben den Harn vnnnd Monzeit der Frauen/ vertreiben vber- gelegt die alte Geschwulst. Der außgepreste Safft der Wurzel/ oder des Krauts selbst/ mit Honig vermischet/ vnd angestrichen/ macht ein scharpff Gesicht. Sein Same hat eben dies selbige Krafft vnnnd Würckung. Er ist gut wider die hinfallende Sucht/ vnd alte gebrechen der Brust. Ist auch gut getruncken/ mit Pfeffer in Wein/ wider die Geelsucht. Der Same klein gerieben/ in öl vermischet/ vnnnd den Leib damit geschmiret/ treibt den Schweiß. Ist gut wider die Brüche/ wider den Kramppf vnnnd das Podagra/ mit dürrer Meel in Essig wol vermischet/ vnd wie ein Pflaster vbergelegt. Vertreibt die Zittermahl/ mit scharpffem Essig vermischet. Wenn man den Rosmarin Samen einnehmen wil/ so soll man den nicht nemen/ der Cachris genennet wirdt/ denn derselbige ist vberauß scharpff/ brennendt/ damit er den Hals vnnnd Schlundt brennt vnd wundt macht. Theophrastus sagt/ es wachse das Kraut Libanotis oder Rosmarin in der Heyden/ mit seinen Blättern den Wilden Lattich Blättern ehnlich/ ohn das sie rauher anzugreifen vnnnd weisser sindt/ mit einer kurzen Wurzel/ vnnnd daß dasselbige Kraut eingenommen oder getruncken/ i bersich vnd vnder sich purgier. Der Sam des Krauts Libanotis Cachris, hat eine Krafft hefftig zu erwärmen vnd zu trü- cken. Wirdt derhalben in die Arzneyen/ die da säubern vnd abstergiren vermischet. Ist auch gut vff das vorderhaupt gelegt/ wider die Fluß so in die Augen fallen/ also daß er auff den dritten Tag erstmahls auffgebunden wirdt.

Kranz Rosmarin/ Libanotis, Rosmarinum coronarium.

Cap. lxxxiij.

Beschrei-
bung.

Krafft vnd
Vermögen.



282.

Beschrei-
bung.

Der Rosmarin dessen man sich zu den Kränzen gebraucht/ Griechisch Liba- notis, zu Latein Rosmarinum co- ronarium, bringt schmale ästlin/ vnd vmb die- selbige kleine/ feste/ lange/ schmale Blätter/ auff der vndern Seiten weiß/ auff der obern grün/ mit einem schwehren geruch. Er hat eine krafft/ damit er erwärmet/ vertreibt die Geelsucht/ also/ daß man den Rosmarin in Wasser siede/ vnd dem bresthafften davon zu trincken gebe/ ehe denn er sich bewege oder vbe/ vnd darnach wenn er den Leib bewegt hat/ vnnnd sich wol geübt/ daß er als dann in ein Wasserbadt steige/ bade/ vnd darauff Wein trinck. Man pflegt diesen Ros- marin in die Salben zu vermischen/ die wider die Müdigkeit werden bereyt/ vnnnd vnder die Mostsalbe/ welche Gleucinum oder vnguen- tum musteum zu Latein genennet wirdt.

Mensterwurz/ Spondylion.

Cap. lxxv.

Mensterwurz/ Griechisch vnd zu Latein Spondylion, hat Blätter den Blät- tern des Ahorns etwan ehnlich/ vnnnd dem Kraut Panaci. Seine Stengel wachsen Gelenbogens hoch/ vnd etwan höher/ vnnnd sindt dem Fenchel gleich/ darauff ein gedoppelter Same